



樊榭山房集外詩

錢唐厲太鴻

大材六月一日集十研齋蔬食期冥上人不至分得

粉字

積雨潤方收初夏勢已蘊山僧結夏期我輩服食謹丈人靜者流解菜鄙饒吻入市匪求益行園土膏墻瓠鴨及楮雞羅列費拾擔相招同此味意與僖民近飽餘沃以茶意冷色無慍勝彼山中人但啜雲母粉

題范寬秋山過雨圖分得頂字

小山別夫山秋聳青挺挺不知涼雨過微雲滅修頂千年華原筆魂在誰喚醒石劒挂天紳亂響入清迥村沽樹懸幟荒塗馬旋濘落日臨長川喚渡苦無艇牽前後鞭後人馬俱沒脛踰時役爲勞卽次旅難竝回首數峰坳朱甍遠光炯

樊榭山房集外詩

十硯齋銷夏賦一字至七字詩分得井字

井清深甘冷梧院陰苔甃靜雪走連筒泉飛修綆曉漱碧生華午灑涼聚瘦一規漢苑秦宮千尺柳汧葛嶺只應時有墜釵人白苧衫輕低照影

二月八日登叟光

入林寒尙在宜蹋最高層亂水醜叢竹春陰護一燈卷留前代句塔葬舊房僧尙想連牀宿幽雲畫不能

銷暑小集分得蘿字

蒙密同烟荔如聞楚九歌垣衣牽碧障松幙挂青蘿漏
月一潭暗飛陰三徑多緇塵吹不到幽絕此山阿

讀史十首

金源一勺水時事百年過飲馬鴛鴦灤揮戈鴨子河運
移寶鐵壞國附活羅多可惜平陰路西樓計轉訛
入汴知何日青城氣寂寥怨軍降北塞子帝立南朝割
地終無補渝盟未可要茫茫天水碧歌舞一時銷
海陵南下日江介想投鞭小別諸妃位初徵新戰船筆
來庾語洩醫諫姓名傳拊髀知天命先書大定年
川擅金蓮號林居橫翠閣千旗發春水萬騎至秋山興
極籠鷹去歡呼射柳還西風故鄉曲憑仗好開顏

樊榭山房集外詩

二

瓜步三軍駐符離百戰場乞和因象祖函首送師王天
意全羸趙人心守舊疆銷金鍋子好君相且奢荒

初設明金禁還爲擊鞠游瑤池景名暄景霽香閣午風柔

冶服逍遙玉伶人玳瑁頭鳳皇飛向裏巧笑發輕謳

文獻中原舊波瀾劇老成清詩元好問小篆党懷英居

得黃華勝王題篇傳矮柏名李統甫諦摩龍什在諱宋見平生

可

異代元真子居然烈士風寸心存趙氏早歲識蘇公長

揖軍門不高眼滄海東北轅嗟已矣流涕恨塵蒙褚承亮

宣宗亦南渡草草到中州嗚咽青山轉淒涼汴水流監

軍多掣肘強敵得無憂和議仍前轍應添上國羞青山轉汴水流

富詩
二議

孟珙懸軍入重圍天地昏空歌江水曲不返蔡州魂虞
號雖朝暮興亡有本根雪香亭主月終古照梁園

早起納涼

懶散腳不襪起來池上行露荷喧雨過風竹學泉鳴書
續宵燈讀茶催曉汲薰漸看新日垂屋角已先明

送子珍之睦州

故人新定去別我雨冥冥湖海須彌飯風塵尙轉萍秋
山臨夕渡孤棹指前汀牢落無勞歎雲林何限青

自秦亭山至法華山作

山下十八里爲宋時幸洞霄宮驛道

數里晴峰色誰知輦道荒著花隨地白毛竹隔溪黃烟

樊榭山房集外詩

三

磬連樵響風泉滿夕陽屬車思豹尾松柏久淒涼

永興寺

曉踏石頭路幽尋不礙回連峰綠徑轉香國隱花開修
竹流疎磬長廊徧古苔翔禽白如雪知是看山來

雪中答子珍睦州見寄

繁盈復紛紛新雪暖鑪前忽枉瑤華贈能合幽思傳寒
聲巖瀨水曉色定山烟何且偕桑苧來尋十九泉

元日重游南湖慧雲寺

初地春風早重過水一方祖堂連野色佛屋漾湖光松
靜蒲牢吼花寒狒狒裝向來游眺地上日倍相羊

晚步池上

蕭條吾最愛取次繞池灣水老萍千點天空月半環畏
寒魚自定識暝鳥先還漠漠生烟裏誰知此境閒

送徐紫山之廣州與本職工

非關爲別易兩地榻仍懸白髮人過嶺黃梅雨上船名
齊高士傳興在遠游篇歸踐羅浮約丹砂訣可傳

徂徠山與本職工

徂徠初在望杳靄上朝暎山雪中無路松風下有村孤
懷六逸往直節一詩存欲去屢回首遺蹤傷客魂

城東郊行與本職工

落日在城上行隨一水斜望中惟樹色意外有人家江
雨初收麥籬風小摘瓜野情非共適那得此清嘉

樊榭山房集外詩

四

聖因寺大恆禪師以龍井茶易予宋詩紀事眞
方外高致也作長句邀恆公及諸友繼聲焉

新書新茗兩堪耽交易林閒雅不貪白珉封題來竹屋
縹囊珍重往花龕香清我亦烹時看句活師從味外參
舌本眼根俱悟徹鏡杯遺事底須談自香山有
鏡換杯詩

偶見叩頭蟲戲詠

窗閒壁駁響方空躍處翻身技便窮何物始能通叩叩
可憐應只有蟲蟲手推一下朱門裏心疾多生翠幌中
莫訝微形偏善媚出來強項本難工

獨游雲居寺

病眸愁鬢怯登臨古寺空山偶獨尋落葉滿城迷磴道

片雲穿塔下湖陰多花佛地何妨住無客禪關不厭深
日晚蕭蕭天籟起微風吹作妙聲音小澗清澗水時時

即谷同蔣靜山游報先寺

寶界人傳八百年高低石徑到門前離離風葉莊巖樹
薄薄霜雲玳瑁天愁豁始知禪有味眼清更覺野無邊
偶來不爲尋僧至斜日蒼茫下亂烟題寶界寺

玉几惠鄂州小集率賦寄謝

薄寒淒淒欲中人八行千里見情親楊雲空自矜書色
最是捻來觸手新

光堯內禪萬靈趨茲祖孫曾一綫扶誰識書生談帝統
過于河洛會昌符

樊榭山房集外詩

五

古宮詞

禁近秦淮暮靄凝昇元寺閣影層層玉梅花裏瑤光殿
雙著袈裟拜寶燈唐南

內苑宣華錦幄溫牡丹紅襪照金尊酒悲莫向尊前諫

已起更衣瑞獸門王蜀

摩訶池上暗香多水殿涼生笑語和親製填詞教侍女

玉肌無汗冷輕羅孟蜀

南薰殿暖晝燒香蛟蝶裙拖窳地長共進樓羅新樣歷

唱名第一得花王南漢

月到瑤階漏點微九龍帳底夜珠輝小鬟背檻私相語

何事歸郎不肯歸王閨

宮嬪車子趁新晴去看臨安衣錦營緩緩歸來春正好

杭州楊柳有啼鶯吳越

楊柳枝詞

玉女窗前日未曛籠烟帶雨漸氤氳柔黃願借爲金縷
繡出相思寄與君

六月十二日同樂城谷林集湖上

風翻十里綠雲斜隔斷孤山處士家坐愛片雲無住著
頻移涼影過荷花右三十七首見魏郡詩輯

九月晦日柳漁招全龍泓竹田甌亭湖上看芙蓉分韻得山字

芙蓉分韻得山字

秋花爲我破愁顏好在金沙碧水灣幾簇風亭紛掩冉

樊榭山房集外詩

六

一枝烟艇與迴環狂呼太白裁宮錦嬌□文君視遠山
只此便堪驅俗物可人雙鷺冷飛還

意林以高唱二絕送蠟梅次韻奉謝

約略明心破臘寒蜂鬚未肯點微檀想君用意冰霜裏
不別花人不與看黃梅以磬口素心爲佳

願嫁山茶正病時佛粧分映佛前枝春前一種橫陳味

鼻觀微參只自知

題秋軒先生蕉窗學易圖

秋窗疎雨漏蕉喧中有幽人味義根雨响蕉聲一時寂
始知易妙是無言右四首見丁竹舟申所藏詩箋

秋日游城北興福寺

宋薛左丞昂捨花藥園爲寺昂乃附榮京者

亂竹疎花覆石甌虛廊自聽足音蹙塵中年事堂堂過

禪外秋心嘿嘿降八丈舊游空藥圃蔡條鐵圍山叢談稱昂爲薛八丈萬回

遺笑掩經幢朱弁曲洧舊聞薛昂和蔡京車駕幸第詩有拜賜須臾應萬回太學生呼爲薛萬回賢愚至竟皆

陳迹付與滄洲白鳥雙右一首見魏性之本存所藏詩彙

餘杭道中

相近餘杭道山川似永嘉樹寒烏挾子地煖薤生花確

舍水春急溪門網晒斜他年如卜築便種故侯瓜

題楊山水閣木翁公宋人

水檻天然好真成漫叟居芙蓉三品鳥蒲葉一雙魚隱

几時無事焚香復晏如緇帷有漁父更憶漆園書

送人歸灕山

樊榭山房集外詩

七

漢帝祠南岳還封天柱山翠微終不改玉檢久應閑君

住皖公下青蒼對掩關鱸香秋盡後歸去聽潺湲

過宗陽宮是南宋德壽宮遺址三首

曉入曾城路蕭閑水木饒松涼人氣健殿迴露華銷無

復金輿駐依然絳節朝白頭逢道侶指點話光堯

登石通橋道當風上古臺山蟬吟不斷林翠拂還來泉

想虞琴奏蘿疑御幄開登臨思內禪浩劫使人哀

贖訝神山失蒼蒼片石存莓苔鐫古色風雨護雲根遠

貌飛來勢空歸眾妙門東京共蕭瑟莫問玉真軒

雪後寶石山三首

林坡犖确如香篆湖色沿洄似玦環瞥見郭熙小平遠

口不能語心能諳須臾殘日射滉漾金支彷彿蛟宮涵
漁舫遠列若鳧雁敗荷蕭索聲微酣似聞有語勸小住
欲築汀畔爲漁庵

右十二首見禪句

題新修雲林寺圖爲巨濤和尚作一百韻

擅秀明湖曲鍾祥竺國鄰湧分龍蚘蟻峰聳鷲翔翻洞
古聽猿嘯巖迴得虎馴篔簹流空際雨花界定中春栽宇
原依晉繙經漫數秦駱丞吟海日達叟弭濤神樹識西
天粟叢標北戶筠崇基先薙草表剎屢揚塵兜率英規
在嶠閣異跡陳 聖朝恢正教尊宿導迷津

謂具德和尚

白業

犍椎妙青霄結構新金繩除劫燼寶網闢荒榛簷翼翔
霞外亭楣揭水濱禪棲何眇眇信鼓更瞿瞿億眾持芳

樊榭山房集外詩

九

饌丞徒侍氎巾鄧隆當繼治 皇豫歷時巡雉扇松門

轉鸞鑣柰苑遵 奎文通八解 睿藻照三身壑迴吹

仙籟雲深拱紫宸傳燈誠有數憩錫亟需人獅座安逾

甲鯨鐘叩過申芴椽隨電落丹粉共霜泯嵐暗諸天像

山悽禮塔民中興看慧命大事問前因一鉢來京口雙

眸駐澗濬

巨公丹徒人

經營閱臚臘檀施歎酸辛洪願匡緇侶

清修感上賓寓公延杖履至誼本慈仁

謂汪光祿萬松

發甕書函

悟登階覺地親宰官今世現長者夙緣伸須達應同號

伽陀更不磷蘇家金罔吝和氏璧非珍廣度毘尼戒宣

揚如意輪荆襄輸梓杞吳越召陶甄九乳雄樓峻千香

傑閣勻睟容臨丈六紺殿湧由旬締造蹤仍舊莊嚴力

與均朱蕙舒鳳翅雕砌螿蚪鱗拱畫拖虹彩楹彤麗燭
銀風琴鳴竚窳岫幌映紛網台岳尋靈驗高堂拜應眞

屋環田字樣材藉匠師掄劉塑形疑活曹衣摺似搢攝

儀齊儼肅列坐若嶙峋相好唐兼梵魔摧喜復頭以上敘
度戒僧

六百建轉藏殿鐘樓梵香閣重修
大雄寶殿田字殿塑五百羅漢像僧坊閑並節靜院隙重初剝腐

樂櫨具傾欹板築頰園開藍畚菜膚庀睦州薪浴勝朝

初換齋庖午最振孟管雷取鑊子敬指餘困改范勞良

冶精銅聚令辰飛廉欣構炭屏翳怒融銀爐啟圓穹益

泉投萬斛蠟湯蓮炊漱灑玉粒漲擘瑠璃法食充虛腹馨

聞動佛脊構乾靈委土米汁可行輪以上敘修禪堂寮舍勝
等及重鑄香廚大鍋

境奚煩擇程功尙未竣逶迤鋪澀路次第補埋隄岸峭

樊榭山房集外詩

幽涼駛橋堅暮靄屯鏡險搖繡桷波底涌華板望景眸

爭鷺朋遊趾集麇到遲尋月桂去便詠汀蘋婦孺瞻彌

切焚修浴倍涪魚王方溯溯蛇種亦歸閩核果供摩勒

筆毫獻屈眴浮圖楊術記洒埽宋雲論以上敘初寺外路築
石門澗岸堤及修浴

貂茵么鳳偏教舞妍蛾雅試擧膳夫殫瑣瑣酒史棄諄

諄寵勢謀攀寶賢名肯友苟霍奴驕使氣鄧析訟連孀

輦賄填溝壑輪賓謝主臣竟令空室瞰豈植福田的智

讓生生鳥心慙趨趨藐渡江誰弭楫旋里有紆紳粟濟

翳桑餓囊窟庇葛貧膠庠甦涸鮒襦袴迷垂鴉稅代償

道戶財堪慰厚窳榮加卿寺秩譽借比閭詢社櫟纒辭

歙陔蘭適守鄞

時光祿令嗣出守四明

善根簪紱盛淨域煥巍臻震

且傳無盡恆河永弗涸

中丞揮巨筆太史染貞珉

落成時大中丞

常公撰碑文侍讀璣貝頌遺哲壇幢萃此晨還將東絹滑鄭鈞介先生書丹

細寫素毫純小李堆濃綠迂倪暈淡綴碧頭摹碧潤石

脚渲蒼嶠點綴稽畱躅微茫帝釋儂郭髯推界畫范緩

出闌楯影蠹琉璃道煙橫舍衛闔四圍羅夕牖百丈倚

秋旻八部楞迦肖珍池長壽倫而羸休類覓腕勁欲揮

蕁繞磴森梧竹周墀雜葛蓐徐熙赤鸚鵡韓幹白駢驎

絢合驚懷悚澄觀止目矚穢珠過笠澤贈錦送淮垠險

韻差肩陸奇思直尾鈞憑增武林事久久歲踰椿

右一首見雲隱寺志

樊榭山房集外詩

七

復園池上紅板橋新成同人分得文韻

朱欄正宇漾波紋剡木爲橋也策勳秋柳畧如春柳耿
一池今作兩池分東來野色添紅影西望詩情上夕曛
莫道小舟行不得醉眠閑坐總輪君

題郭雲山日記真蹟

郭髯行記篋中收便是滄江虹月舟解道樓居好風韻
杭人不合異鄉遊

納涼擬王右丞維五言古體

茅堂對谷口雲蘿成四鄰淙流下石潭激轉如車輪迴
風正墜雨淒然灑衣巾簷緣過幽磻蒲偃波粼粼蟬聲
忽移樹雲影如有人不知出山去爲誰濯炎塵

將歸武林同人分詠西湖古蹟得九里松

高下花龕徧巖洞此間不著三公夢我來六月賣松風
十里山行九里送諸公他日命吳鞵同覓沿流細股鈿
背時分手相思處還在淮南九里街

重九後二日至自武林同人適有看菊之集分

韻共賦得微字

年年袞暑悵相違客到剛逢北雁飛節過樽前猶昔酒
地偏江外未寒衣論交此意如花淡問歲今番喜稻肥
抑鮓持螯多勝事舊詩記憶是耶非

冬日小集行菴分詠得詩債

去年重九前二日亦有此會

平生何所負多在苦吟間興爲千篇嬾貧非一字慳逢

焚榭山房集外詩

十三

花無處避見雪隔年還寄謝敲門者霜髭撚未閒

冬日田園雜興

稻堆高築似茅菴門外霜風淨遠嵐連歲冬春多不賤
殷勤回首語丁男

黃獨初香擬甕清百錢布被暖平明渠儂笑向蓬頭婦
不識冬心過一生

村夫子已渡家江下學兒童樂未降急就篇收新影字
障寒恰恰與糊窗

里正釀錢共賽神嚴宵無警俗還澗年終檢點街彈室
不到倉中納穀人

集補齋先生厲齋詠庭中老桂

愛此連蜷榦相依石丈尊清虛傳舊種雨露託孤根
閱世吹香遍經春放葉繁詩人頌嘉樹長見照芳尊

友人賦一字至七字詩分得蕉

蕉大葉靈苗遮石角出墻腰綠窗影借碧簾痕描入夢
涼如覆臨書墨未消風旆三更自語秋心一卷無聊畫
師若遇王摩詰雪裏依然學後彫

却寒幽天寧寺僧房看掃葉草木漸凋吟氏半受遺

閒房黃葉滿行迹重來尋雙帚開還合千林積已深遙
思天竺路竟擁石泉心踏雪期煨芋因成冷淡吟

題紙窗竹屋圖

地爐茶熟硯生冰風味渾如過臘僧我是江湖舊行客

樊榭山房集外詩

三

十年孤負一窗燈

分詠銷寒故事得呂徽之米榻有人以有字爲

韻

處士家空山何來竹戶叩米榻忽聞聲乃是無襦婦向
時寒齒擊突出粲花手語洗草木漸義卻升斗受旣用
食爲衣不妨魚換酒疏梅晴雪間偕隱此良友

漁歌四月十一日集漁川齋中時久旱小雨

宿麥行將槁經春望未寧灑塵初有意潤物莫教停奔
走煩二事蒼茫乞百靈西窗今夜燭萬一得同聽

詩人香艾人

五月冰臺采爲人楚俗遺分形資藥圃辟惡上門楣映

髮嗟非壯垂腰笑已遲不須尋本草眠食祝相宜

喜雨用建除體

建旛青衣柳枝擘除祛妖媿四眼赤滿空風雲餅水滴
平地雨深可盈尺定飛南箕東井檄執符者誰玉京客
破壤五塘少遺蹟危哉立苗困飄坼成功不尸向虛碧
收雷淵默百嬌寂開顏江淮農笑啞閉門角韻飲歡伯

雨後兩明軒坐月

駛雨晚來歇月明秋夜齊涼衝雲葉散溼度水花低坐
愛參差影詩憑蕭爽題主人留客意看轉粉廊西

七文分賦效唐人試帖體得徐轉斗爲車
靈媛車將駕還乘斗宿爲璇匡秋自運珠柄夜潛移閣

樊榭山房集外詩

十四

道橫西足河梁指北維星璫鳴軋軋雲袂動遲遲沆瀣
應濡軌迴環莫後期李義山詩夜聞北斗聲迴環渚邊相迂處更與借參

旗

初夏行菴同用謝康樂首夏猶清和爲起句并
次其韻

首夏猶清和林風吹不歇高會憶隔年原阜雪中沒及
茲重連襪流光感齒髮社已灌佛過興爲尋詩發虛館
映餘花崇臺仁涼月同心泯幽遐秦吳間楚越懷入期
未至選勝約寧闕時恬齋不赴宅愛謝公存苑弔隋皇忽澹景
歸沖襟頤神庶無伐

冬日集畚經堂分詠得剪橘

已是經霜後丹黃綴滿嶠香從平蒂斷鮮帶折枝緘磊
落官資滑接莎女手摻病夫朝渴甚失笑霧黏衫

韓彥直
補韻須

平蒂
翦之

微雪初晴集小玲瓏山館分得齊韻

天公知是有招攜故遣新寒雪點泥烘日軒窗添取白
避風簾幕放教低苦蕉護橘同幽事茶熟香温卽好題
依舊晚來山色在不須粉本倩黃倪

松聲以王子安日落山水靜爲君起松聲分韻

得君字

盡日天風起松間響忽分初從纖末動俄頃四山聞鸞
嘯下空碧龍吟生凍雲華陽知不遠晞髮禮陶君

樊榭山房集外詩

壹

長至前三日同人集蟬書樓下時風日晴美雪
意未作因分賦雪中故事以爲宿麥之先兆得

瓜牛廬

先生三尺廬乃爲野火焚枯林蹲愁鳶大雪夜正零天
地不能寒至和內自熏一笑振衣起如臥梨花雲

消寒初集晚清軒分韻得豪字

爐暖窗明聚縵袍朔風誰道利於刀復過七日天心見
乾揲初爻隱德高梅蕊巡檐開玉雪雨聲旁舍壓春槽
吟箋擘處難藏手一鬥歐蘇白戰豪

梅花紙帳歌

幽人笠得隨六爻宴息短榻風颺颺思將斗帳衛安寢

不用蠻瓊蜀錦綃裁鮫楮先生者吾故友清文密理魂
可交琴溪產冰下清江出草抄先以白石硨次用槐椎
敲十幅揉成飛絮軟千鍼聯就輕雲包猶嫌太素境清
冷春氣攬入三花兩藥千萬梢問誰種此睡鄉裏無乃
叔雅粉本覺範皂子膠吳綾矮額數蛺蝶壓繡云自閨
中描滕王設色未曾到謝逸著句空相嘲夜寒穿花那
得見風流楚客情難拋用東坡詩意遽然一枕忽成夢夢入朱
明洞口水簾坳湘妃峩峩立凍蛟麻姑褰影如飛旂幽
人驚起香入骨彷彿翠羽鳴咬咬作歌刻意洗凡語遠
勝瘦島之瘦聲叟聲

十一月三十日集小玲瓏山館分詠得寒林

樊榭山房集外詩

七

一片巖枯景槎枒出凍林高空無脫葉生意此歸根影
幕棲鴉寺梢分落照村營邱餘粉本濃淡幾株存

詠竹火籠效齊梁體

熏燎陋鴨爐巧析纖筠織屈揉合陶輪玲瓏資火力袖
倚黍谷溫香染湘江色本是秋簾餘因時重雕飾

洞庭葉震初爲同人寫行庵文讌圖歲晏瀕行

自作漁隱小照索題

洞庭之東笠澤之南三萬頃碧八九峯藍有譽者石有
囚者潭有蒲有蘆有螿有蚶有蚶石林之苗漁隱是貪馳丹
青譽惟顧陸耽竭來邗水偶寫行菴菴中之人契托僑
郊菴外之樹色雜楓楠時維吹帽朋以盍簪童子攜榼

門生輿籃懸泉明像同彌勒龕大雅將作非聖不談藉
君摹繪殊費研覃犂眉森秀鶴髮鬢鬢或行舒舒或視
眈眈或絃是捶或書是勘繩坐離立伍五參三齒長及
少交淡匪甘哂噉名客異殊饑男傳神阿堵冰玉詎慙
顧我形骸土木何堪彌月事竣一颿風酣自作小影聊
伴歸擔繇光福塔望漁洋嵐言念君子其樂且湛字婁
爆玉王餘出泔盤椒已頌崦梅可探開彼甕蟻檢此芸
蟬我爲作詩字如眠蠶

在二十八首見韓江雅集

樊榭山房集外詩

七

樊榭山房集外詩
蘇詩宋詩土木可欺視其事歟一颿風晒自弁小景聊
小交淡匪甘哂噉名客異殊饑男傳神阿堵冰玉詎慙
顧我形骸土木何堪彌月事竣一颿風酣自作小影聊
伴歸擔繇光福塔望漁洋嵐言念君子其樂且湛字婁
爆玉王餘出泔盤椒已頌崦梅可探開彼甕蟻檢此芸
蟬我爲作詩字如眠蠶

樊榭山房集外詞

錢唐厲鶚一太鴻

河傳

題顧升山蔬果畫冊

青浮卯盃餅煮槐芽竹胎猶短園丁掣鎖疏籬煙滿我
來參玉版一村嫩雨林梢泣如曉眼鴟背和苔削洋

州詩句曾東有人炊晚飯

吳香齋

三月小桃吹謝綠到荒原英雄種菜不堪論蕪菁晝閉
門臥龍已去天星隕軍聲盡戰土猶微墳至今遺種

乞鄰翁殘冬滿畦黃葉風

蘿菊

顛顛黃破一林盧橘縣金欲墮吸紅螺愛新鶯婀娜亂

樊榭山房集外詞

一

壓東園舸跳脫瓊瓏美人腕牽銀蒜映得光零亂蠟
兒團汁兒酸槎丸欲將書寄難

枇杷

天涼似水霜黃梧子斜陽返照秋香一樹纍纍霍靡鯉
魚風又起晶盤買向閒坊市空齋裏點綴烏皮几遠

還疏澹如無清虛酒醒聞著渠

香櫞

低胷莫灣亂覆蘭渚蟹舍魚叉斜撐艇子照鬢鴉家家
采菱娃江南水國堪消暑涼風灑粉刺兜羅帕生憎

辜負鏡奩花天涯浮梁去賣茶

水紅菱

貢兼橘柚南方無偶鳥爪休捫倚闌閑弄脈脈想見銷
魂玉纖痕碾香漬入搓酥粉西風緊一夜芙蓉冷檀

奴有意爲遮交午腮紅傍簾櫳

木瓜

村陌吹笛水風涼綠牆邊路長牛衣古柳紫瓜香商
量爲他加蜀薑園官菜把無萵苣清貧處且汲流泉
煮折項瓠白雕胡山廚多堪敵落蘇茄

秋早懷抱龍涎味滑雀頭名好江鄉幽興最堪憐年年
蹲鴟不論錢矮鐘折腳煨殘火山僧坐往事今無那

斫侯鯖擣金橙閑評何如玉糝羹芋

湖天平碧鷓頭十五雙搖輕楫清歌學唱想夫憐采得
綠房和子擘家鄉消夏灣前後愁時候心苦君知否

館娃宮水煙空秋風銷魂墜粉紅蓮子

鶴巢免柴濃陰瀟灑樹間紅碎滿江城堪愛棟花風大
筠籠和葉賣堆盤磊磊楊家果玫瑰顛拍得檀痕破

樊榭山房集外詞

二

淚淋漓溼臙脂沾衣問郎知不知楊梅

霜後紅透榭房初剖伴栗黃絨和橙綠皺石醋姊妹淒
其秋來子滿枝粉裙曾染蠻腥血華時節光景眞飄

瞥向牆陰一樹猶記舊風流墜搔頭石榴

溪漲風浪籠瓜船土蜜筒虎掌許多新樣團麝揉酥醞
釀誰將雙鼻餉散筵香粉祈河鼓當風露粘著黃金

縷夢瞢騰事難憑東陵種時熟未曾香瓜

閩嶺幽境海天遙絲荔丹蕉最饒何如青子綴長條風
標紅鹽點不消幔亭峰下家千里沾牙齒諫味無如

此試鑑天擘柑筵春織裏來和茗煎橄欖

頰頰堪摘舊湖州水驛旗亭小畱重來杜牧惱春愁紅

樓一時不奈秋
吳娘桃葉傷心曲
聲聲蹙歌罷難敘
續破時新翠
嫵顰嬌嗔中心別
有人桃子

風颭月暗曲廊斜
別夢依依謝家牽
牛籬落挂青花天
邪豆棚閒著他
豆花八月吹涼雨
秋深處翦響裁吳

紉犀鎮帷換袷衣
依稀一檐香又肥

扁豆
右十五首見靈芬館詩話

張母出婦人誦 左呈

定武蘭亭跋

馬和

書

樊榭山房集外詞

三

家最難離對命交
對社一盞香又咽

豆
豆

風颭月暗曲廊斜
別夢依依謝家牽
牛籬落挂青花天

邪豆棚閒著他
豆花八月吹涼雨
秋深處翦響裁吳

紉犀鎮帷換袷衣
依稀一檐香又肥

樊榭山房集外詞

樊榭山房集外文目錄

增修雲林寺志序

古銅佛降生像記

胡安人傳

龍尾石松皮硯銘

四季會啓稿卷三眼

張母黃孺人請旌呈

定武蘭亭跋

馬和之小景跋

書樂府補題練恕可名下

倚聲初集跋

樊榭山房集外文目錄

曇陽子書後

郡廨梅花詩跋

九秋詩跋

菜花詩卷跋

跋煙草次韻詩 蘇呈

自跋游仙詩卷三則

攝山題名史序跋

蛻巖詞跋

題密杭日記

分賦鍾馗畫引

樊榭 陳玉几貽畫跋

集外文目錄

樊榭山房集外文目錄

樊榭山房集外文

劉華王出風世圖表詩錢唐人厲也鶚也太鴻也四

聖祖仁皇帝省方南幸駐蹕山中對土高百六十

氏近則猗和孫洽字台氏吳增子能氏相繼重修

御書雲林匾字爲額則在徐氏癸卯輟簡之後

天文煥爛佛日重光曷可無紀前志雖三屬草脫漏尙

多曷可無述茲幸巨濤和尙爲主席苦行宏願信於檀

施舉七十餘年之土湮木腐者一旦聿新旣落成從事

於志請于予予郡人也素耽林壑留意西山之勝也久

何敢辭又得同學張君曦亮爲飲助謹撰次前志所未

樊榭山房集外文

備者勒成八卷門類則仍舊焉書成題曰增修雲林寺

志其有缺略以俟後之君子乾隆九年春二月旣望樊

榭居士厲鶚書于雲林之面面軒右一篇見靈隱寺志

隋書雲古銅佛降生像記余丑癸卯補簡之

古銅佛空桁製如山而四方廣下狹上高可六寸逕各

四寸形模成削有六朝畫弄遺意非唐後鑄治所能爲

虛其鬢似有所置之者上爲悉達太子從母右脇下生

舉右手相捧足者七寶蓮華也吐水以浴者難陀跋難

陀龍王也周匝圍遶者天龍八部也下作太子遊四門

相四面具雉堞樓櫓者迦毘羅城也太子所乘馬健陟

白駒也一人背偃身瘠而扶杖一人仆于地淨居天所
化老病死相苦也按佛爲西方聖人其誕生瑞應及種
種相好自與凡異所云胸有卍字與吾夫子制作定世
符何殊而儒者顧疑之志礬佛祖統紀載佛降生當周
昭王二十四年甲寅歲四月八日太史蘇由早識祥光
入太微之驗而王簡棲頭陀寺碑以爲周魯二莊時淨
名疏云佛興星隕如雨附會左傳其不然矣酈氏注水
經引支僧外國事云迦維羅越國佛始生時隨地行七
步足跡文理見存又二龍吐水一冷一煖遂成二池今
尚冷煖如故此佛降生時地見于載籍歷有可考者故
併及之像側有小銅碑刻善人石玉石青及助緣人高

樊榭山房集外文

二

紹姓名吾友程君振華見于廣陵市上歡喜讚歎得未
曾有亟以金錢易歸供于寒木春華檻中適臘八佛成
道日同人淨饌禮足因屬鸚爲記合十命筆且作偈曰
我佛天人尊降生天人喜諸釋五百子皆同是日生
乃至廐象馬無有不生者商人入大海各各采寶還
願諸見聞者皆如佛生日

胡安人傳

代友人作

安人姓胡氏歛人遷于如皋父曰口口母曰太君安人其
口女也生而淑嫺識大義稍長通書傳遇古慈孝貞烈
事輒嚮慕不置父母以是奇之暨長慎擇偶時三原朱
君口口以鹽筴來家如皋聞安人賢遂請繼室焉如皋

爲揚屬邑俗近侈安人來歸後屏璣組金綺之飾所以
自奉者甚儉而賓祭餽問察貳廉空品物腆潔姻戚皆
以有禮前室口安人有長子曰口口已娶婦尙居秦中
安人時念之朱君覘安人之出于誠也召來令同居安
人撫之歡然恩意周浹及安人子口口生初不以之少
異迨少長出就傅安人檢押其子者昕夕無間曰口安
人子已成立矣吾子而縱逸如堂構何申旬不幸疊遭
閔凶長子早歿冢婦口氏稱未亡人安人益憐之青燈
夜雨時相慰勉未幾朱君沒安人呼槍號慟欲以身殉
者屢矣念吾夫間闢數千里與生稍有基未竟而逝吾
子又少不更事吾遽死是死吾夫也于是資斧之贏縮

樊榭山房集外文

三

質劑之有亡出內之怠耗皆于安人是問鉤稽擘畫爲
之心力交瘁語云死者可生生者不媿安人有焉至今
子克負荷先緒不墜安人亦苒苒老諸孫繞膝神明不
衰宜其享期頤稱壽母孰意質素清羸屬疾遂至不起
得年六十口歲在安人可以報朱君子地下而孝子情
事未伸罔極之思何以寫耶予家居時與朱君游推襟
送抱相得甚稔因習聞安人之懿行壯而從宦四方旣
哭吾友今司臬山右而又聞安人之赴孝子遠以傳爲
請誼不敢辭因次第其梗槩如此
論曰婦惠之難也莫甚于前室之子與己子不能一視
也蓋溺于私恩則顧復有畛域之分明于大義則生死

有委託之重而斂筭之性沈沒反覆自克者鮮若安人者合毛詩在桑之仁無朱氏守柰之失可不謂以義勝私者乎若夫存則內助以禮夫亡則持門以健嗚呼安人之爲婦爲母誠難能也哉

龍尾石松皮硯銘

作鱗之而爲堅多節閱世風霜著書歲月乾隆丁巳冬樊榭生厲鶚爲龍泓樵客丁先生造

贈當夏四季會啓

蓋聞分金鮑叔傳厚誼于千秋索米王生播高風于百世是知外財而講義何如寓義于通財離貨以言情豈若聯情于殖貨況乎永以爲好已覘前事之有成惠然

樊榭山房集外文

四

肯來又辱新知之不棄請繼四時雅集重挹蘭芬用申五載良緣更邀樾蔭爭輸白鏹互聆霏雪于同堂奪得錦標共醉流霞于接席每值春溫秋爽一尋雞黍之歡卽當夏暑冬寒還作雲龍之逐至若眾搖首坐固先賴以經營然而零出全歸總兼收夫子母旣貨財之並利亦情義之交孚敢布腹心鑒存是望僭陳條例終始莫渝

人之爲張母黃孺人請旌呈

竊惟禮始謹于夫婦大節本足扶倫德實重夫貞良至行誠關正氣砥末俗以章大化不棄孺筭採要典而成良書先陳孝節茲舉得黃氏者質本潔清性尤婉順承

歡父母依依弱女爲兒婉聽公姑肅肅從夫作婦機中
成素鍼不刺文井上提嚮汲無迂視黔婁捆內食堇荼
以如飴冀缺田間侍恭莊而似客被牛衣以掩泣曾共
流離烹雌伏而不辭時逢迍賤一燈分照讀寒雞夜雨
相同十指可縫裳結帛調爪都徧獨擅穿墉識別贈投
雜佩瑤璫共驚行遠文章繹絡朋從車馬正爾文駕比
翼夫何黃鵠分飛撫棺二老匍匐傷心著膝雙孤伊嚶
慘目甘飲鹽而誓死幾令腸枯轉茹藜以存生頓教髮
截涕洟嗚咽偏生恨竹如人瘠烈悲愁已見摩笄有石
心不欲餒若敖之鬼力猶能存趙氏之孤多方課子授
遺書而恩與勤俱常自教兒執大杖而淚隨聲落以故

樊榭山房集外文

五

長能醇謹楮門仕以成家次秉才華列書升而歲薦至
于嚴而有禮或與語而闔門德且多才每健持于當戶
旣也徹廬遭燬助翁拮据成巢且而徒壁空懸率子春
秋展孝不忍傷姑之意諸方調護憫幼叔之離懷猶能
悉婦之心百計綢繆出嫠孤之旨蓄勤勞齊婦尊章致
養無虧辛苦梁妻上下差能有藉唐夫人登堂敬孝惜
新嬪之婉嫵操持魯陶嬰午夜悲鳴痛賢雄而唱峻曰
鼻夫何驟罹大故乃盡禮于遭喪比其竭方扶攜已殫
誠于遇疾至屬事親亦曰能子暮年迎養不嫌傍老無
兒晚歲偕亡猶幸營喪有女屢經哀毀從茲雞骨支牀
夙遘閔凶早已鵲唳在戶秋墳白骨哭青燐而螢焰空

燒春草黃埃瀝紅冰而蜚飛不下歷二十九年之酸風
苦雨月暗燈炮闕三十八載之暮齋朝鹽釵荆帚布以
至婉孌僕婦薰其德而長伴孤幃撲朔牝貓感其貞而
久終不孕此卽徘徊玳瑁燕猶不忍雙棲亦猶躑躅庭
除雞乃爲之代哺孝傳閭閻節重鄉鄰趙中丞錫之玉
軸瑤章孔少師贈以松青霜白承先宗祏烝嘗弗替生
前有子丈夫報託無慚地下二十五歲守貞五十三年
全節攷之三十守志之條爲時更早合之五十待褒之
例計日猶多緣生時凜持大義不欲邀名至沒後闡發
幽光豈容同盡貞魂黯黯刺靈旗而幽處端然淑德昭
昭揚芳香而照臨格爾恭遇人倫冰鑒名教提衡激濁

樊榭山房集外文

六

揚清邦教從茲大振貪廉懦立國維賴以四張况逢
恩澤之普沾正爾芳徽之待闡伏乞據詳彰其苦節因
之題表給以建坊

恩榮

寵錫皆成

華袞之褒潛德明揚得著表閭之美斯倫明于上清風
託始闈門教洽于中清節咸端里巷矣

定武蘭亭跋

定武禊帖相傳是率更摹宋有薛紹彭繙刻已鏡損數
字元時得卽未易松雪言之詳矣昔蘭溪何運使有藏
本永樂時特令鑄于國學余初見時猶疑此是明刻及

諦眎久始知爲國學之祖本其爲定武無疑

馬和之小景跋

右馬和之小景上有楊妹子題雨洗東坡月色新絕句一首蓋蘇文忠公作也予友周君穆門得於雲間出以見示用筆清逸楊妹子小楷秀媚中饒勁致其爲真蹟無疑嘗記沈潤鄉吏隱錄載馬和之小景四幅楊妹子各題一絕句云人道中秋明月好欲邀同賞意如何華陽洞裏秋壇上今夜秋光此處多石栴葉落小池清獨下平橋弄扇行蔽日綠陰無覓處不如歸去兩三聲清獻先生無一錢故應琴鶴是家傳誰知默鼓無言曲時向珠宮舞幻仙其四卽此幅也又張泰階寶繪錄載黃

樊榭山房集外文

七

子久跋馬和之畫卷云陳維寅持秋林曳杖小幅來景色正與此同是此幅曾爲船塲陳氏所藏爲吳中舊物流傳有自尤可寶也馬爲錢唐人紹興中登第官工部侍郎楊爲寧宗楊后之妹鑒古者所共知不多綴云乾隆丁卯正月二十二日錢唐厲鶚跋

書樂府補題練恕可名下

按陳衆仲安雅堂集有陳如心墓誌銘稱公諱恕可字行之一字如心與古靈先生襄同出五代闕太尉檄之後後遷會稽自號宛委居士至元二十七年起公爲西湖書院山長仕至吳興尹遺文有宛委永言復古篆韻詞譜編目樂府補題藏于家觀此則練爲陳氏之誤了

然矣竹垞先生刻詞綜及蔣京少刻此冊皆作練偶未
之考或原本模糊缺斷以致亥豕爾雍正丁未六月二
十四日錢唐厲鶚書

倚聲集多

倚聲集多

國初諸老之作蓋于酒邊文外爲之刻意新豔正如玉
色珠光使人目奪在今日已成廣陵散矣中有梅坡柳
亭兩君手評可愛也惜缺六卷他日當購之以成完璧
壬寅七月晦前一日厲鶚書

曇陽子書後

吾鄉錢銓部心卓先生貽清堂日鈔云曇陽子者太倉

樊榭山房集外文

八

相公女也聘于徐徐沒女及笄矣請于父母願爲守喪
父母憐其志許之遂謝脂澤長齋縞素奉淨業時時獨
處一室與羣仙往來有蛇名護龍常在左右如是者二
三年一日告父母曰兒將以某日示化父母無可如何
任其所爲屆期集大眾說偈入龕與蛇俱化去四方觀
者數萬人而太倉公弇州兄弟屠青浦俱有傳紀其事
蓋吳大故好異而諸公皆工文章多賁飾誇張其詞遂
爲東南奇事時太倉公以忤江陵家居言官逢其意
以左道煽惑章數上竟不問獨相公弟鼎爵斥爲妖妄
說者又云女實爲蛇所魅非仙去者而太倉公弇州兄
弟皆稱弟子起恬淡觀奉安曇陽真身及相公將大拜

又有借此謀進願爲恬淡觀住持者可發一笑云銓部
爲神廟中年人其詞若有諷刺蓋得之見聞爲最確也
世又傳湯若士牡丹亭劇爲曇陽子而作太倉公好命
家伶演此每曰吾老年人近頗爲此曲惆悵而中有梅
花觀陳最良奉香火事若與恬淡觀影切殊生人疑偶
買得此傳聊記所聞于簡首以備考

郡廨梅花詩跋

書院之設始于南唐廬山國學至宋改爲白鹿洞書院
自是而石鼓應天岳麓相繼振興元時各州路俱有書
院山長遂爲祿仕之一途以故名儒輩出率銓序于行
中書省我

樊榭山房集外文

九

朝文教覃敷書院之在省會者中丞主之在各郡者太
守主之擁皋比者非鄉先生而有文行者不得與橋李
郭使君山左名臣後也傳家凜冰壺之誠久矣延吾友
草廬諸太史掌鴛湖書院課士以郡廨梅花爲詩題且
限清字韻二絕句蓋主賓皆冰茹雪食人非祇昔人之
頌顧建康也徧徵同人屬和積成卷軸梓而行之異日
有續張堯同嘉禾百詠者郡廨梅花必居其一矣乾隆
八年六月十四日錢唐厲鶚跋

九秋詩跋

夫收溫滌暑迎白藏以多欣隕葉落英望青要而增感
稽歲時之雜咏秋序爲多按月令于四人悲懷惟士鐵

珊前後九秋詩所爲作也僕幻視翳花禪依淨月雁聲
到枕久無遲暮之思蟹舍持杯大有沈酣之興近者微
吟在口頓溼青衫少動于中更添白髮則鐵珊之詩之
工可知矣樊榭居士厲鸚拜跋

菜花詩卷跋

菜花詩咏者甚少唐人惟劉禹錫桃花淨盡菜花開一
語律詩尤未易得鐵珊六詩曾受知錫山相國稱爲張
菜花平湖大令舒君雲亭贈詩有好句人傳張鐵珊菜
花春草記當年其見賞一時如此予與鐵珊稱莫逆交
因慙憑付梓公之同好猶憶丁卯春暮與雲亭汎舟杭
北郭曾有俚句云連畦金粉雌雄虵十里斜陽子母牛
以視鐵珊真不啻小巫見大巫神氣索矣

樊榭山房集外文

十

跋烟草次韻詩

昔年子客邗江曾偕同人唱烟草天香一闋頗盡體物
之旨今秋鐵珊張君示余烟草律詩數章推陳出新復
爲淡巴菰另開生面聞湖中和詩幾及百詩讀四君之
作真以少許勝多許也用題數語以復鐵珊

自跋游仙詩卷三則

游仙詩自晉郭景純倡之逮唐曹堯賓明馬鶴窗連篇
累牘皆奇豔可誦余閒居寡懽偶爾綴韻輒成百章大
要游思鑿語雜以感慨玉茗先生所謂事之所無安知
非情之所有者也且靈均作騷尙託于雲中君湘夫人

其亦庶幾不悖作者之意乎有好事者出而讀之詞雖不工聊當龜茲一覺云爾康熙庚寅六月樊榭山人自

題

山榭先生文集卷之四詩文與自題本而歸筆水與刻

庚寅歲長夏無事爲游仙詩百首手錄三帙一爲海昌徐雍昭持去一爲友人杭大宗持去今年春檢篋得舊稿讀之復更定十二首楊修不云乎悔其少作因復錄成一編所謂祇可自怡不堪持贈者也癸巳暮春西溪漁者又識

曩作前後游仙凡二百首前游仙已雕板不揣荒鄙頗有嗜痂後游仙藏篋中未舉示人暇日展玩自愧凡俗於仙境猶有未盡因刻意冥搜誓脫故常復成百詠昔

樊榭山房集外文

十一

謝逸作蝴蝶詩三百首人呼爲謝蝴蝶世有知我者其將以子爲厲游仙乎

攝山題名

二百首前游仙已雕板不揣荒鄙頗

乾隆癸亥九月十有六日錢唐厲鶚吳江王藻江都方士庭閔華陸鍾輝張四科來遊攝山時秋景澄霽山空月明酌泉賦詩三宿乃返

右十六篇仁和龔稼步胡益韜初不許此劫後所存者也

峴巖河東人幼從父官于杭與貞居子張伯雨俱學于

仇山村先生之門故詩文俱有源本而詞筆亦復俊雅

不凡足繼白石梅溪草窗玉田之後惜山村伯雨詩集

僅存而詞止三數闕使人有零珠斷璧之恨不若峴巖

詞二卷一百二十餘首之完好無恙也是本爲余友金君繪卣鈔于龔田居侍御家余從繪卣令子以寧借鈔遂得充几席研玩之娛侍御所藏異書甚多生平清介自處罷官後絕不竿牘當事貧至食粥聞其身後書籍大半散佚矣爲之累歎雍正改元十月二十三日樊榭生厲鶚書後右篇是兩版秋雨盦舊筆 一論餘一月五日高

宋不設題容杭日記歷歷 鳳凰山詩高

雍正乙巳春三月六日客揚州飲于程松門七芙蓉閣同會者爲里申友江硯南酒半松門兄子岷東出觀所藏元京口郭天錫先生日記真跡共四冊行楷精妙奕奕有神中有至大戊申容杭一冊時燭邊醉眼觀之不

樊榭山房集外文

三

甚記憶後十餘日耿耿于胸因亟從吳硯南借鈔硯南亦有同好卽往言之岷東岷東殊不祕也攜至予寓舍呼燈捉筆寫成草本略汰其無繫武林典要者細讀之則杭之耆舊大半皆在往還而坊陌橋道琳宮梵宇去宋不遠壯麗深嚴可想見焉遊鳳凰山故宮一段載白塔以碑石爲基猶有進士題名金銅鐘一口上有淳熙改元曹純甫觀象名則他書俱未載此信乎百聞不如一見也寺壁題詩與程史所紀康伯可題徽廟御畫扇略有數字不同想是後人所改耳先生去今三百餘年偶然攢筆完好無恙而適遇予兩人皆杭人鈔而傳之似乎有待者若岷東不恡希世之藏公之于人使後之

迹風土者有所攷皆不可以不記也三月二十六日杭東城厲鶚右一篇見容杭日記

分賦鍾馗畫引

歲丁卯五月十五日馬君半槎招同人爲展重五之會于小玲瓏山館維時梅候未除綠陰滿庭徧懸舊人鍾馗畫于壁鍾馗之說不一如宗懔母妹之名于勁之字皆在南北朝而今人則傳終南進士事又古者歲除畫鍾馗辟邪故張說有謝賜歷曰鍾馗表而今人則用於五月五日是日適爲夏至陰陽交爭防諸沴戾禳而卻之亦荆楚歲時所不廢也遂人占一畫各就畫中物色賦七言古詩一篇錢唐厲鶚爲之引右一篇見韓江雅集

樊謝山房集外文

三

陳玉几梅花芭蕉小幅跋

楞山擅鄭虔之三絕蜚英騰茂客居竹西聲價隆振求點筆者恆滿戶外惟其天光亮拔無子些塵俗氣染及筆端觸手生春自然超妙天池白陽走且僵矣何況餘子落落者乎酉秋過邗上把晤多日瀕行承寫此幅見貽意良可感因書數語于後以志忻幸樊榭山民厲鶚

志右一篇見重論文益筆錄按玉几名撰題此幅云雪欄芭蕉春又芽隔

言牆開過老梅花此間好事能兼得喫了魚兒又陳蝦自註摹天池所畫句

集外文

輓辭

仁和龔胡崧輯

壬申杪秋聞樊榭先生凶問越日同人為位哭於
西門行菴

香溪程夢星

甚欲扶秋杖無如愁思侵蒼苔遊子迹落葉故人心芳

草變寒色西風橫舊襟莫因聞鵬鳥感慨不成吟

余以事不克赴

嶺谷馬曰琯

年來吟社半彫零胡後唐前失典刑寒鑑樓空小師死

招魂又復酌寒廳

雪薦哀梨霜薦柑清冬彷彿會城南紙蓮花動風吹戶

老木蕭蕭葉打庵

輓辭

汪玉珂

黃葉西風裏行菴怯重過可知今日淚專為故人多酌

酒成悽斷招魂奈遠何浮生真石火白髮一悲歌

是君負手尋詩處絮酒當于此地澆黃葉階除風景在

朱絃疏越雅音遙重逢可有三生石共載難忘八月潮

座上相看半頭白不堪吟侶日蕭條

西疇方士處

何處弔詩魂行菴當寢門臨風揮老淚題主奠清尊已

痛形神隔如逢笑語溫所期來夢裏文字試重論

半查馬曰璐

半查馬曰璐

味真詩卷

故人隨逝水，灑淚駐行雲。只此平生意，寒花如見君。
香清綠竹盡，葉響帶鐘聞。不道行吟地，傷心日易曛。

竹町陳章

依舊茆堂在，傷心失此翁。服緦來幾輩，漉酒向西風。
跡賸寒蕪裏，魂棲亂竹中。城門回馬策，斯恨的然同。

玉井閔華

又向西風拭淚痕，朋交帷位禮猶存。重經翠竹畱題處，
一采黃花薦酒尊。雞黍卻教虛宿約，鳧羹空自用招魂。
先生已是傳千古，十卷詩詞卽子孫。

南圻陸鍾輝

十年此地共論文，今日臨風一奠君。怕聽哀鴻聲噫噫，

挽辭

二

一聲聲似感離羣

漁川張四科

文宴平生地，重來灑淚同。寒泉薦瑤席，老樹起悲風。
零落殊相感，精靈或可通。沈埋九泉下，何處寄詩筒。

又向西于湘樓鉤眼交

傷心帟屨此重經，無復清談似建瓴。最憶平生耽寂寞，
安知草木不棲靈。

去逐寥天鸞鶴羣，重吟詩句總酸文。幾人酌酒西風裏，

杳杳黃墟哭不聞。

羊城旅館聞厲樊榭三兄凶問，不勝哀惋，哭之以

詩

學文 大宗杭世駿

驚才一代媿齊名力遜培風運海鯤小別遂成千古恨
百身難贖九秋魂清詞墜響文堂寂瘦影飄空野寺昏
細想平生遊往處終同阿買哭楓根公七心傷鬼錄手頻掄可奈天先喪此人東郭冷過挑菜節
南湖悽斷采桑春等身著作憑公論住世風花付夙因
聞說神明真湛定彌留猶自戀衰親

復衣升屋叫荒祠掌夢無憑祇益悲服椒幾年疏酒伴
分香先日放歌姬契丹已定傳疑史天水空鏤本事詩
泉路定應尋月上斷風零雨說相思

卷已刊行月
上其亡姬也

輓辭

三

年年蹤跡滯揚州兩點金焦健筆收翠壁分題香界暗
玉山高會草堂秋韓江烟月魂應戀石友謂馬曰
弟日瑯情懷老
更稠他日來尋舊吟榻不堪腸斷竹西遊全錄本專稿

齊太輓樊榭先生詩哀無憑悲恨難手摘西牛
開館賦竹町陳章賦留聲自戀琴膝

屈指論交四十年吟場無地不隨肩前頭花月知多少
一度拚教一泣然百念天武賢此人東隱命戲琴菜饋
乾坤清氣總歸詩罔象懸珠獨得之分寸攀躋空費力
對君何止有餘師前詩學文堂窅窅深塵空理特

直是青冥鶴羽翰百年人物惜才難龕山潮莫爭消長
學海文江一夕乾

九月清霜泣斷魂湖山幸有不亡存只宜配食林和靖
秋菊寒泉薦墓門
絲楊隄與絲荷汀吟舫乘閑處處停料得後來無好句
兩湖山色爲誰青

公車再上復徵車寂寞東歸但著書便得一官何足重
古來高士混樵漁

樂府新聲被管絃鉛華掃盡最清妍紅橋猶唱當時曲
人與黃花共一船

詩外溫柔別有鄉也知難繼是茗娘絮飛春盡尋常事
可惜無端枉斷腸

樓敞叢書萬卷開析疑訂謬服君才一年兩度樓前別
輓辭

不道今番去不來

邗江詩社送爲賓憑仗君扶大雅輪翡翠鯨魚皆有得
敦槃無復主盟人

一紙郵來伏枕書詞哀意憤已無餘苦心調劑非欺友
莫問泉臺怨子虛

雲魂雪魄向樊桐知是仙家擣藥童他日歸來何處覓
棠梨花下紙錢風

龍泓丁敬

西風一棹返蓬門豈意俄成家吐魂白髮頓枯傷子淚

紅萸空坼乞詩痕案頭殘稿猶思妾篋內遺編待付孫
回首寒梅香又好揚州明月忍重論

君病中尙向子誦詞一閱爲揚州去妾作也

卅年情抱與君同，眉宇何堪瞬轉空。一代詞人姜白石，
兩湖詩客鮑清風。搜窮萬象應生妬，靜倚高天轉欠公。
俯仰春光看飄蕩，泉臺可有杏花紅。
張貞居詩只有天公終可倚，君每春遣使乞余園。

中繁杏
作供

意林趙信則春荒風姿留草一念一巾巾

一夢空傳十六人，皇家疏網惜遺鯤。
先生應召北上夜夢試題內有十六字意必得

與名數及發榜只十五人竟居額數之外其夢始驗素交零落徧多感，舊事淒涼不可論。

南斗文星驚忽陷，北堂壽母痛孤存。低眉自念衰遲甚，

不獨傷君淚滿痕。人曾慰慰因何事，思盟茲五五

雁歸汾水日凶耗，更然疑卷軸裁新樣。江山起故思，久

輓辭

五

依賢地主忽下招，魂辭欲設椒漿奠。臨風灑淚知思人，

記當庚午歲七夕，譜秋蟬蟬蛻同君逝。秋風亦我憐，千

金隻字惜萬卷，倩人傳嘵損因何事。馬塍花正妍，

古有情癡語曹剛手，可捐稿藏像腹裏。佛任丈人先持，

此將安往。吾生欲問天，頭銜無可擬。只合署詩仙，

憶昔訂交日，西池風月親。僻書多挂眼，使事獨能神。花

隱張家舊湖船，白傅春荒原多宿草。一念一沾巾，

香溪程夢星

詩才疑鬼復疑仙，落拓人間六十年。春夢尙繁桃葉渡，

秋風已冷孝廉船。未終祿養嗟何及，欲付琴書亦枉然。

山館苔深行跡在，從今一榻只虛懸。一山歸入姜白石

胡應瑞
風雅惟君是我師
論交何止十年遲
文傳淮海入爭羨
詩著湘潭世共推
三殿揮毫曾博飯
兩湖風景屬新詞
愛山未遂疊巖約
空負心期千古悲
王申秋先生約余游風水洞未果

易諧
一覺揚州夢乍醒
可憐骯髒病餘身
迴頭共語成陳迹
屈指分攜未幾旬
秋水月明懷冷句
湖光山色失閑人
天涯朋舊爭垂淚
遙向西風薦白蘋

嘯齋張世進

休言識君晚
交誼十年深
當代風騷手
平生山水心
拋官換奇句
裹藥赴幽尋
把臂今無日
遺編忍重吟

輓辭

六

斯人誠可痛
才調眼中無
舌吐粲花論
胸藏記事珠
詩仙歸上界
雲物冷西湖
八寸慈親在
誰爲返哺烏

玉井閔華

握手論交正
少年流光過
眼各華顛每
當風雨雞鳴夜
苦憶烟波鴨嘴船
排日看花連臂去
常時剪燭對牀眠
竹西自結吟詩社
江海才人半九泉
自唐天門先生沒後及君五人

豈止胸中富
五車有才無
命劇堪嗟
精華空自凋
詞藻姓氏何曾作
榜花被鬼揶揄
身懶慢悞人顛
倒眼麻茶

只教贏得湖山老
踏徧僧家與釣家

腹聯指詞科事

著述平生欲等身
高蹤端可擬先民
隱居教授臧榮緒
經笥紛綸并大春
作賦行年傷鵬鳥
賞詩高閣畫麒麟

山林自有千秋業，卻幸門生是替人。

謂汪子西頌

春到將殘絮欲飛，傷心空有淚沾衣。十年已覺三生夢，

雙槩空催一舸歸。迢遞但知雲樹隔，分攜豈料死生違。

從今衣錦城邊路，忍問南湖舊竹扉。

西疇方士處

文章交誼友兼師，追憶平生劇可悲。十載共聯詩酒社，

一帆長繫別離思。春光綺麗迎

君客揚州，今秋著有秋帆秋燈等木蘭花慢詞，凡若干首，意頗悽愴。

坏土合

蠻曲秋色蕭閑絕，筆詞

正離離

依姜白石馬塍霜草

君感事詩中語

猶幸家鄉及早回，不爾幾于良

友殯將毋愈重老親哀，尙餘舊橐畱山館，合有雄文賦

輓辭

七

夜臺地下自應逢，月上一尊重酌菊花開。

頻年涕淚暗酸辛，存沒相關一愴神。頗憶麤賓週甲子，

君以辛未五月二日六十初度時在揚州嶼谷招同人集山館

忽登鬼錄總壬申。君與先兄環山同齒，嚶兩年來先後下世。

鳴雁序三生夢，畫意詩情半壁塵。此去應須聯夙契，九

原重晤白頭人。

新愁舊恨兩茫茫，友道情真馬與張。

謂解谷昆季暨漁川

寒鑑樓存

空月落

舊菑

紫陽山在又琴亡，回思苦況三年病。易黯詩

魂九日霜

已巳余與慈田同病殆而慈田竟不起，君今者亦沒于九月。

一束生芻將不得，毀茶

歌些奠江鄉。

君不設茗碗者十餘年。

漁川張四科

別去曾無恙，俄聞凶耗傳。多生歸劫外，幾日在尊前。東

髮知名久傾心度曲偏片帆揚子渡惆悵卽千年
高才偏踰躋多病益清羸烟月揚州夢雲山謝客詩蕭
晨古鵬易舊約狎鷗遲他日明湖權回殊興盡時

東壁吳廷華

方抱晨星感哭君又斷腸嘔心李長吉多病孟襄陽流
冰桃花岸迴文錦字章昔遊已難再雪涕湛空觴
才送揚州棹俄來風露侵菊叢他日淚秋老故人心孱
骨非金石新詩自古今獨憐堂北樹鬢雪慘霜林

湖山應改色詩老忽云亡問學期千古追隨僅十霜紛
紛惜吟社的的痛高堂泉下猶遺恨平生志未償

輓辭

八

餘韻松阜沈心高

始義毛公老抱經秋風淒絕草玄亭掘瓶因果回眞諦
戴笠風流想瘦形江上夢空桃葉渡樹旁篆驗漆燈銘
蕭蕭華髮摧琴痛再入吟場有淚零
樊榭軒然來禰處士隻立壇坫盛江南詞流空累百天
孫自製前波帚五采細織秋空雲宛拖銀河六幅水珊
珊微步凌高雲營室眾媿裂帛勤捨擗褻積何紛紛回
看天章妙裁翦神光獨映河之瀆人世流光疾如電漢
殿徒勞繇竹薦年年颯颯青翰舟韓江一水畱歡讌豈
誠仙館在芝田蛾眉絕代悲速賤西湖明月勝揚州清

暉土洗樊川面倚聲餘事稱絕殊如霜月照紅璫銀
箏玉管配新曲妖姬緩唱圓于珠人間早逝小長蘆吁
嗟眞賞良已無暮齒鄉閭聊跌宕強捻觥籌折花當金
沙淹滯孝廉船齊盟狎主神非王我客梁園倏七年中
間一會兼忻愴憶昔廣樂調鈞天步入閭闔襟珮聯洞
庭老仙憎吹嶰竹裂不肯引置軒皇前秋風吹隨伶倫
影黃鍾器杳如飛烟頗嫌上界足官府相與鞭笞鸞鳳
爲椽仙忽聞瓊樓亟召修文手飛控黃麟捎北斗紫府
猶稀萬丈才塵寰誰享千金帚滿娘光射琉璃屏磨墨
看草新宮銘衍波箋寫相思字乞賦曉寒搖筆成尙餘
一恨到殊庭阿嬰慟哭長爪生老喪知音我涕零龍脣

輓辭

九

擊碎拋東溟海山海水誰爲聽空攜華岳峰頭句焚向
金牛湖上塋

南圻陸鍾輝

耳熟才名久論交自小年渡江曾有約埽榻復空懸辛丑秋曾
致書奉招屬有事未至聚首如風絮聯吟似月泉別離纔幾日聞赴一

潛然

海內論文字清才似子稀樂章姜白石詩句謝玄暉十
載琴尊合西風燕雁飛南洲人去後苔冷舊漁磯

初觀許大綸

儒雅風流洵我師修文天上倍懷其畱題處處堪珍惜
何止黃河遠上詞

高會誰爲老斲輪似君纔不愧詞人九原二老

謂月翁應穆門

狂喜笑拉吟魂永結鄰
樊榭先生年年有詩索素心黃梅今年對花增感
敬折一枝以供靈賞并伴小詩志輓

意林趙信

素心人愛素心梅香韻年年互往來今日思君共吟賞
惜花香不到泉臺

輓辭

十

散蘇香不降泉臺
素心人愛素心梅香韻年年互往來今日思君共吟賞

意林趙信

敬折一枝以供靈賞并伴小詩志輓

樊榭先生年年有詩索素心黃梅今年對花增感

輓辭

墓碣銘

鄧全祖望撰

余自束髮出交天下之士凡所謂工於語言者蓋未嘗不識之而有韻之文莫如樊榭樊榭少孤家貧其兄賣淡巴菰葉爲業以養之將寄之僧寮樊榭不可讀書數年卽學爲詩有佳句是後遂於書無所不窺所得皆用之於詩故其詩多有異聞軼事爲人所不及知而最長於游山之什冥搜象物流連光景清妙軼羣又深於言情故其擅長尤在詞深入南宋諸家之勝然其人孤瘦枯寒於世事絕不諳又卞急不能隨人曲折率意而行畢生以覓句爲自得其爲諸生也李穆堂閣學主試事闈中見其謝表而異之曰是必詩人也因錄之計車北

墓碣銘

十一

上湯侍郎西崖大賞其詩會報罷侍郎遣人致意欲授館焉樊榭襍被潛出京翌日侍郎迎之已去矣自是不復入長安及以詞科薦同人強之始出穆堂閣學欲爲道地又報罷而樊榭亦且老矣乃忽有宦情會選部之期近遂赴之同人皆謂君非有簿書之才何孟浪思一擲樊榭曰吾思以薄祿養母也然樊榭竟至津門興盡而返予諧之曰是不上竿之魚也嗚呼以樊榭爲吏固非所宜而以其清才使其行吟於荒江寂寞之間以死則不可謂非天矣予交樊榭三十年祁門馬嶢谷兄弟延樊榭于館子每數年必過之嶢谷詩社以樊榭爲職志連牀刻燭未嘗不相唱和已而錢塘踵爲詩社子亦

豫焉數年以來二社之人死亡相繼樊榭每與予太息
今年予有粵遊槐塘以書告樊榭之病不意其遽不起
也嗚呼風雅道散方賴樊榭以主持之今而後江淮之
吟事衰矣樊榭姓厲氏諱鶚字太鴻本吾鄉之慈谿縣
人今爲錢唐縣人康熙庚子舉人生於某年月日卒於
某年月日享年六十有一曾祖某祖某父某娶某氏無
子以弟之子爲之後葬於湖上之某峯所著有宋詩紀
事一百卷樊榭山房集二十卷已行於世又有遼史拾
遺十卷樊榭以求子故累買妾而卒不育最後得一妾
頗昵之乃不安其室而去遂以怏怏失志死是則詞人
不聞道之過也且王適不難謾婦翁以博一妻而樊榭

墓碣銘

三

至不能安其妾則其才之短又可歎也嗚呼樊榭屬予
序其宋詩遼史二種忽忽十年息壤在彼而今隕涕而
表其墓悲夫是爲銘其詞曰

沖恬如白傅兮尙有不能忘情之吟人情所不能割兮

賢哲固亦難禁祇應尋碧湖之故槩兮與握手以援棹

樊榭茗止之故姬也按茗止故姬指月士康熙己亥三月十四日辰時生乾隆壬戌正月朔三日戌時沒先

徵君逝世十年最去乾是所納揚州某年月日卒公

劉姬也見趙意林丁龍溪兩先生詩註

何車疾矣樊榭故園乃蕭蕭宰太廟本吾儕之熱綬

也謂淵風誰羨婿式陳樊榭以主林之今而對焉

墓碣銘予以來二阮文人張士琳辭樊榭會與予太息

墓田碑記

錢唐吳錫麒撰

在昔修謫仙之祀剔壤青山薦處士之馨割租近縣此皆眷懷往喆崇想芳徽瓣香之誠不關孫子私淑之意詎假淵源而沃衍相資苾芬用告蓋所以明後人之公好樹先士之清則焉若吾枕樊榭先生忍貧於身蓄富在學事賅其舊扇南宋之風言飫其清得西湖之味一時推爲祭酒末學仰其津逮始舉孝廉之科旋膺徵辟之

詔似宜仰邀田秩早受圭腴而乃兩屐苔枯一棺蓬掩幾至前和之齧竟無後嗣之延今西谿法華山所謂王家塢者其墓在焉樵歌牧笛之往來馬磨牛醫之襍襲

墓田碑記

三

觴聞柏下祭少播聞則有顧涑園太守過墟墓而生哀遇春秋而展祀會合同志各致慕思亡何舊雨不來故人已逝徐穉之雞莫設劉伶之土常乾是非少劃膏腴俾資牲醴安望馨香無缺俎豆常懸爰有諸賢更謀義舉遂鳩金於冢旁置祀田若干畝付交蘆菴僧常源收息以爲納糧供祭之用裘乃成於眾腋縣亦出自同功由是霜露示期粢盛有備藉免餒而之憾庶慰逝者之心雖或凌跨太虛翺翔八極豈復戀松楸之美計體魄之安然而湘纍渺然椒漿莫輟水仙近在鞠薦無愆冀神靈之式憑振風雅於勿替秋風十畝幸不遠於蘆中寒食一盂願無忘乎縣上因貞諸石以志厥功敢告後

來永念勿懈

墓田碑記

十四

墓田碑記

栗主移奉交蘆庵記

仁和胡敬謨

古賢者沒而祭社設有監祠以奉粢盛以司宗祏魂魄戀此枌榆儼然矧夫笠澤游多朝川圖在碧雲青嶂遺壠非遙白露蒼葭伊人所契者乎徵君樊榭有子承祀無孫紹宗養婦靡依小姑相迓棲神何所載主而行偕令威以來歸效浮屠而寄宿分索郎之釀味叨清闕之桐陰憑是壻鄉比乎友殯而乃窗窺朱鳥刻認丁蘭捏佛奇生通靈化去豈真委莽未免傳譌於是名流譜以清詞碩彥廣其新語爲位置馬塍里畔山谷祠旁薦少寒泉皮從高閣縈鼠跡蛛絲而幾徧與牛衣龍具以相參飽嘗牆角之酸風冷照屋梁之明月可慨也已今春

栗主記

五

趙雱門刺史與蔡木龕李西齋諸君商以先生墓在西谿主宜近祔乃擇交蘆庵之塔院諏日遷奉馬中爲先生其有則先生側室朱氏也同龕彌勒成換骨之神仙相伴維摩有散花之天女闕春秋而兩祀蔽風雨於三楹想曩時選石開尊叩舷度曲台筇拄雪雙屐拖雲路宋輦以苔封山秦亭而翠滴新詩幾許舊夢難尋賸秋水之彎環對林梅之蕭瑟莫不流連光景彷彿生平從茲勿務增華以期垂遠守斗酒隻雞之約勝事可常共倚裳聯襜而來扁舟徑渡相與整齊肴菽拂拭壺觴蘆中人蘆中人庶其靈爽式憑苾芬來享也夫示

軼事

厲先生居東園高大父魚亭公居古驛後相去二里過從最密讀書務根柢之學每著一書輒訂可否手稿皆畱余家遼史拾遺東城雜記湖船錄先後雕于振綺堂宋詩紀事南宋院畫錄玉臺書史南宋雜事詩絕妙好詞箋詩文詞曲諸集或先生自刊或後進續刊咸豐庚申辛酉板燬于兵燹越二十載余檢樊榭山房集續集文集與錢塘范誠民士騏海甯朱英甫士俊讐校重雕又以先生與吳甌亭城同撰之迎鑾新曲及少年所作之游仙詩秋林琴雅詞并采集中未載諸作都爲集外詩文詞曲昔者先生沒葬西

軼事

溪無子以從子志瀾爲嗣沒又無子木主遂耐供湖墅黃文節公祠偏室道光戊子世子小米公集邑人移奉近墓之交蘆庵越三十四年庵以浩劫被毀同治庚午經營復舊設位供奉創之者滿洲赫舍里冠九如山成之者仁和許益齋增錢塘丁松生內當蘆花盛時文人學士每以隻雞斗酒薦先生宿草尚存莫不感慨係之生平軼事摭拾諸書錄而存之並諸先輩所撰之輓辭銘記彙爲一卷附于集後俾後之尙論者有所資焉光緒十一年乙酉夏錢塘汪曾唯雍正甲寅乙卯浙江總督程元章三次省試薦舉博學鴻詞十八歲遂成厲鶚周玉章杭世駿沈炳謙齊召南

張懋建周長發汪沈周琰正試題爲河清海晏頌萬寶告成賦杜氏通典鄭氏通志馬氏通考總論賦得冲融和氣洽補試題爲玉燭醴泉頌鵬奮天池賦九法五政論賦得禾比君子續試題爲

景陵瑞芝賦春雪詩兩浙通志序評二十一史先生應正試名列第二程制軍批云頌體俊偉賦材麗則論該洽而當理詩雅正以和聲誠爲於越含香澗河韞秀帥文宗批云辭挹羣言體苞眾製以質緯文以文被質殆昔人所云無一字空設者張方伯加批云高華之氣典麗之詞春容之節加以骨幹堅凝根極理要扶質垂條兼擅其美頌賦論俱載入文集試帖詩曰

軼事

二

聖主治當陽乾坤正壽昌璇圖三極貫協氣太和翔煦育情田徧熏蒸德澤長元音聆合愛

寶麻應無疆習習祥風扇遲遲化日光淪肌無遠近滌志共柔剛累洽逾姬代時雍接帝唐昭蘇潛啟蟄甲坼兆句芒悅在春臺上如依日御旁巽申通蔀屋豫順出天閭金石誠難喻綱緼屬未央臣民同率舞長此詠時

康

杭大宗先生詞科掌錄云厲太鴻爲詩精深華妙截斷眾流鄉前輩湯少宰西厓先生最所激賞自新城長水盛行時海內操奇觚者莫不乞靈於兩家太鴻獨矯之以孤澹用意旣超徵材尤博吾鄉稱詩於宋元之後未

之或過也性耽閒愛靜樂山水一再計偕遂絕意仕進以薦來都試題謾寫論在詩前遂罷歸生平詩逾萬首勇於刪擇樂府爲今海內第一仿計敏夫例爲宋詩紀事百卷摛采極富是科徵士申吾石友三人皆據天下之最太鴻之詩稚威之古文紹衣之攷證穿穴求之近代罕有倫比紹衣丙辰先成進士改庶常例不當試後以散館出外稚威以疾太鴻以違式皆不得在詞館豈非命哉

又道古堂文集厲母何孺人壽序云執友樊榭厲先生自其壯歲卽中乙科兩與計偕不得志卽棄去不復事旣而部檄其名趨就選人買舟一至津門留連三月而

獻事

三

返說者咸謂其樂迂習嬾才不可以爲世用以余觀之是謂不知樊榭者也樊榭少而孤露奉太夫人之教績學以至於有立夫豈不知圭紱之可以榮親祿入之足以養老而顧杜門卻軌甘寂寞而就枯槁者誠以仕宦之難惟縣令爲最其能久居其處者大術有二焉佞顏卑辭骨節媚媚佞佞倪希寵而取憐一矣憑藉權勢擅作威福色厲內荏虐斃獨而畏高明又其一矣樊榭之才千詩百賦鬱怒道繁長輪遠逝雖極之傾河倒峽而不見其所止若以其鴻朗高邁之懷骯髒磊落之志屈而與今之仕宦者相習譬之方枘圓鑿齟齬而不相入而謂其能呢訾粟斯喔咿囁嚅以爲閃掄乎而謂其

能逞妖作蠱妄生眉眼以絞許而摩上乎度已不能強而試之則所以貽太夫人之憂者方大此在庸人且知其不可而謂樊榭之賢與太夫人之通達大體而顧昧昧而不之思乎且夫人之求仕者將以爲養也樊榭而不隨介而有守使其得位而行其志必且飲冰茹蘗其刻苦當較甚於恆時太夫人習於古訓如所謂卻胡威之絹封陶侃之鮓聞之已熟其所以砥礪其子者詳慎而周密又可知也然則脂膏之潤與潔白之養兩者相較孰得孰失豈待智者而後決哉今年九月朔日爲太夫人八十生辰同人謀所以爲壽者乞言於余余自羈質與樊榭交申登堂之敬常拜太夫人於堂下樊榭

軼事

四

巾幘之契計莫有先於余者則知樊榭之深又孰有過於余者乎用敢綜樊榭出處之大節與太夫人之所以成之者以侑一觴焉因以嘆古人捧檄色喜特以庸人待其親而於道未有聞也樊榭其倜儻乎遠矣實而善沈文懋別裁集詩話云樊榭徵士學問淹洽尤熟精兩宋典實人無敢難者而詩品清高五言在劉昫虛常建之間今浙西談藝家專以飭餽擗搯爲樊榭流派失樊榭之真矣思平且夫人亦本相法汪積山先生尊聞錄云太鴻山居道古翛然意遠詩文之外銳意於詞嘗病倚聲家冶蕩者失之靡豪健者失之肆因約情斂體深秀緜邈興至思集輒自比之孫氏

一絃柳家雙璫要以自寫胸抱非求悅衆耳也

吳甌亭先生雲夔齋詩話云厲徵君肆力於詩鏤心役
腎句雕字琢吾鄉百年詩人中殆難其匹性雅好遊所
至搜剔名勝攬葛攀藤裹回吟賞必興盡而後已集中
西溪諸什直抒胸臆可當山經一卷讀也

王述庵先生蒲褐山房詩話云徵君性情孤峭義不苟
合讀書搜奇愛博鉤新摘異尤熟于宋元以來叢書稗
說以孝廉需次縣令將入京道經天津查蓮坡先生留
之水西莊觴詠數月同撰周密絕妙好詞箋遂不就選
而歸揚州馬秋玉兄弟延爲上客嗣後來往竹西者凡
數載馬氏小玲瓏山館多藏舊書善本閒以古器名畫

軼事

五

因得端居探討所撰宋詩紀事遼史拾遺極爲詳洽其
先世家於慈溪故以四明山樊榭爲號所作幽新雋妙
刻琢研鍊五言尤勝大抵取法陶謝及王孟韋柳而別
有自得之趣瑩然而清窅然而邃擷宋詩之精詣而去
其疎蕪時沈文愨公方以漢魏盛唐倡吳下莫能相掩
也予於戊辰歲在長洲趙君飲谷小吳船遇之辱爲忘
年交後徵君過吳必訪余於朱氏蘋花水閣凡三年而
徵君下世矣至其詞直接碧山玉田予已錄入琴畫樓
詩鈔故不具論 樊榭下世葬杭州西溪王家塢因無
子嗣不久化爲榛莽後四十餘年何君春渚琪游西溪
田舍見草堆中樊榭及姬人月上栗主在焉取歸偕同

人送武林門外牙灣黃山谷祠埽灑一室以供之子爲
撰文室花同天女散摩圍詩共老人參句以題其楹月
上姓朱氏名滿孃烏程人

陶篔村先生鳧亭詩話云樊榭寶石山云林氣暖時濛
似雨湖光空處淡如僧此真善於領略西湖也其他如
遊智果寺云竹陰入寺綠無暑荷葉繞門香勝花元日
對雪云無人可造眞閑日有雪相娛此老翁山莊卽事
云蔬圃烏鳴秋境界竹房入語佛家風南湖秋望云橫
塘秋水明菰葉老屋殘陽上蘚花皆佳句也

王茨檐先生靜便齋集南湖花隱記云倚城北陣阿舍
喧而卽靜水樹明瑟有敞而堂有折而廡有華散生盤

軼事

六

門藩落而延接于楹檻是爲樊榭山民南湖花隱宋張
鑑功甫所稱管領風月者功甫以循王諸孫性豪侈務
奇意相勝其第宅不一區卽南湖所占在當日不知幾
百畝樊榭以數椽棲託於後其寂寞爲己甚則樊榭之
歉於功甫者也然樊榭學博而文富所述造泐涵演迤
將冰如雪食瑀碎月魄雖見推于誠齋楊氏而遺集鮮
傳則又功甫之所遜于樊榭者也君子之游于世有裁
足之思無贏餘之念况出吾之所有不難抗古人而上
之俛仰吟笑綽有餘裕區區居室奚足較其豐約爲且
夫南湖當功甫之盛閩春把菊天鏡鷗汎月諸勝纍纍

無間壤一時朱黻長纓賓從之填擁鐘鼗笙絲磬筑之
衍宴魚龍爵馬之殫物窮麗誠無所不足迨其後不數
十年淪宇埋音竝就熏歇冷茲所見遠巒雲浮卉木翳
蒼禪棲孟瓶之扣食冷洽冰次物不停固與爲豪侈者
之役于物也其終不如寂寞者之適吾素已矣題以花
隱樊榭殆欲佩蘭餐菊以終老于斯夫是爲記
又送杭大宗北行序云吾友厲鶚杭世駿博覽精覈於
學無所不貫所爲文詞高旨深若觀濤重溟莫得畔岸
顧自壯盛僅充秋賦志用不達連屈于春卿世之人合
二君之遇觀其所爲功幾疑學廣聞多匪所以適用蓋
古制不講於茲六十年矣自

軼事

七

聖祖仁皇帝御極之十七年頓紘舉網特闢大科一時
苞純稟精之彥應運磨至揚輝宣烈照灼夙古迨後良
遇弗再決科發策僅循常選未師後進靡所傾風二君
枕經靡史含英發藻獨知而寡諧供已而殫力故學古
之獲二君獨深疾驅方輪人之疑二君滋甚茲
天子嗣暉隆緒側席幽潛興繼舊典浙省郡邑博學鴻
詞薦者前後合六千人呈試大憲撥什之二三二君以
瑰麗卓越炳乎十八人之列以十一郡之廣旌簡所及
僅止數人得無少隘然上嚴虛授下顯良具拔尤升萃
乃獲二君四海稱雋等競疇曩見少之意其亦可以不
作矣

朱朗齋先生厲徵君年譜稿云康熙壬申五月初二日辰時生癸巳爲錢唐王路清賓遠撰疏寮集序略云近余道駕湖過虎邱臨惠泉往返于荆溪錫山之閒遇一勝境則必鼓棹而登足之所涉必寓諸目目之所覩必識諸心自謂此行也詩可盈篋矣迨歸檢其稿僅得八首而其抑鬱憤懣欲吐而不得吐者填塞胸臆閒幾不復支靜求其故終勿可得蓋余擔囊作客所聞者什一之籌所接者會計之策卽遇佳山水稍滌襟懷而塵壒復垢絕無文人翰士可角勝于筆墨之場故每一搦管旋復自棄游雖多而詩則少甲午館汪氏聽雨樓凡五年浦沈兄弟從游庚子以詩經中式四十九名舉人辛

軼事

八

丑秋游永康房師張梁友署中按集中有將返武林畱別張梁友先生詩云十日栗堂住天涼抱病歸偶游噓索米臨別或傳衣是知張梁友爲房師也雍正辛亥春少司農鳳臺王公鈞爲兩浙運使時聘修西湖志按纂修職名總裁爲總督李衛管理爲巡撫程元章總修爲編修傅玉露分修則與蘇滋恢杭世駿陸秩沈德潛吳焯趙信吳嗣廣張雲錦陳臻同在局成于甲寅年乙卯正月會同舉諸公子槐塘宅小眠齋共十一人徵歌選勝極一時之盛按齊召南賜硯堂詩答汪五槐塘津門見寄次韻兼懷諸友三首其第二首云吳山顧曲記當年纔落春燈未禁烟細雨溟濛畱客夜微風料峭養花

趙意林先生秀硯齋吟藁寄調厲樊榭納姬揚州云歌
吹殘年憶竹西歡情已作絮沾泥秦孃才思知多少蓼
岸桃溪試品題姬人姓劉雪凝柔玉滿邗溝花蕊新詞乞小

畱想得定情鴛帳暖莫教月上夜生愁又哭厲樊榭用

蘇東坡輓王仲甫韻云一夢空猜十六人皇家疏網惜

遺緇樊榭應詔北上夜夢試題內有十六字素交零

落偏多感舊事淒涼不可論南斗文星驚驟隕北堂壽

母痛孤存太夫人已開九秩矣低眉自念衰遲甚不獨傷君拭淚

痕

袁子才先生隨園詩話云馬氏玲瓏山館一時名士如
厲太鴻陳授衣汪玉樞閔蓮峯諸人爭爲詩會分咏一

軼事

題哀然成集至今未三十年零落殆盡而商人亦無能
知風雅者蓮峯年八十三歲儻然尚存聞其饑寒垂斃
矣乾隆初杭州詩酒之會最盛名士杭厲之外則有
朱鹿田樟吳甌亭城汪抱樸臺金江聲志章張鷺洲湄
施竹田安周穆門京每到西湖隄上倚裳聯襪若屏風
然有明中讓山兩詩僧畱宿古寺詩成傳抄紙價爲貴
四十年來儒釋兩門一齊絕滅竟無繼起者余最愛
言情之作如桓子野聞歌輒喚奈何厲太鴻送全謝山
赴揚州云生來僧祐偏多病同往林宗又失期兩點船
燈看漸遠暮江惆悵獨歸時詩人筆太豪健往往短
于言情好徵典者病亦相同卽如悼亡詩必纏綿宛轉

趙意林先生秀硯齋吟藁寄調厲樊榭納姬揚州云歌
吹殘年憶竹西歡情已作絮沾泥秦孃才思知多少蓼
岸桃溪試品題姓姬人雪凝柔玉滿邗溝花蕊新詞乞小

畱想得定情鴛帳暖莫教月上夜生愁

曾伯祖滌原公湛蘭書屋雜記云厲太鴻先生著作等
身與先大夫善已成未成諸書稿皆插振綺堂之架著

錄

四庫全書者七種遼史拾遺東城雜記宋詩紀事南宋

院畫錄南宋雜事詩絕妙好詞箋樊榭山房集

袁子才先生隨園詩話云馬氏玲瓏山館一時名士如
厲太鴻陳授衣汪玉樞閱蓮峯諸人爭爲詩會分咏一

軼事

十

題哀然成集至今未三十年零落殆盡而商人亦無能
知風雅者蓮峯年八十三歲倏然尙存聞其饑寒垂斃
矣乾隆初杭州詩酒之會最盛名士杭厲之外則有
朱鹿田樟吳甌亭城汪抱樸臺金江聲志章張鷟洲湄
施竹田安周穆門京每到西湖隄上倚裳聯襪若屏風
然有明中讓山兩詩僧畱宿古寺詩成傳抄紙價爲貴
四十年來儒釋兩門一齊絕滅竟無繼起者上余最愛
言情之作如桓子野聞歌輒喚奈何厲太鴻送全謝山
赴揚州云生來曾祐偏多病同往林宗又失期兩點船
燈看漸遠暮江惆悵獨歸時詩人筆太豪健往往短
于言情好徵典者病亦相同卽如悼亡詩必纏綿宛轉

方稱合作東坡之哭朝雲味同嚼蠟筆能剛而不能柔故也近時杭堇浦太史悼亡妾詩遠不如樊榭先生之哭月上也

魏玉璜先生柳州遺臺碧湖雙槩圖云厲樊榭徵君姬人朱滿娘以中秋夜向汎碧浪湖而歸因繪是圖時賢相與爲詩卒後余始獲見之用題其後夢覺揚州已十年卻從苔水載嬋娟菰城若比松陵路又覺吹簫白石仙星漢橫斜水拍天碧湖涼露御紅蓮中秋月色無窮好卻爲伊人分外圓翠袖熏鑪伴詠詩春風小閣畫蛾眉誰令誤竊姮娥藥不見宜男結子時一段春愁化彩虹乍來還去恨多匆桃花滿地胭脂溼不待東風嫁小

軼事

七

紅

大父十村公重編振綺堂書目云靈隱寺志三冊是厲樊榭先生手稿黏貼廢書之中書雖未成後世亦當珍

之

按此志編分八卷後有萊者而吾家書籍毀于粵匪手稿已亡

阮文達筆經室詩錄云蔣蔣邨學博炯請書樊榭墓碑且與里中諸君子共置祭田報官立案歸西溪交蘆庵管理詩以紀事劉樊窗說明州遺蛻西溪土一邱多分神仙無子在但憑天地有詩畱他年碑碣碧苔古此日墓田香稻秋記取法華山下路詞人長與護松楸黃薌泉先生北隅掌錄云先生東城雜記自序云杭城東曰東園先君子家焉小子生于是居已三十餘年凡

五遷未嘗離斯地也序作于雍正六年戊申三月是年四月後有移居詩曰半宅從人典全家旨雨遷末云差喜東城近則猶在東城也乾隆己未有子賃居南湖八年矣其主將鬻他氏復謀棲止詩逆溯之遷居南湖之歲乃雍正十年壬子是年有南湖初夏詩所謂草堂近卜約齊鄰者也至乾隆庚申始移居麋公古社詩所云麋公祠宇今相竝且逐鄰翁掠社錢者也是先生前後凡七遷皆在東而南湖則近北矣

錢蕙窗先生靜存齋詩集云吾杭厲樊榭徵君沒而無嗣故宅不存主無廟祔塵封比丘尼室者若干年矣春渚丈既備黃文節公之祀見祠有隙宇遂訪其粟主遷於後廡之西并以其姬人月上之圭從焉安位之日具蔬果之會青浦王述庵司寇時主萬松講席聞之亦來薦奠自是以後祀文節禮畢牲魚一獻以酌詩魂文節生辰之祀廢已廿稔於茲徵君几筵不知存否嗚呼前賢清風浩氣無所不之一介幽靈溼野社良可悲已因紀四絕用諭來茲南湖何處問比鄰總帳飄零五十春歎息舉宗無祔祔一椽野廟與棲神郡縣崇祠傍學宮年來升配徧羣公鄉先生可祭于社前輩猶能舉古風隨清娛僅贖殘碑適館何緣少婦隨一縷靈芬飄不斷五湖風月入叢祠醞酒割羊事已非况於廡下一椽依涪翁定反西江社祠客飄零何處歸

蔡朗餘先生贖稿云厲樊榭徵君制意拙率不修威儀
嘗曳步緩行仰天搖首雖在衢巷時見吟咏意市人望
見遙避之呼爲詩魔 厲徵君之詩詞與金農冬心書
畫鄉里齊名人稱髯金瘦厲 厲徵君子繡周有女適
桑叟甫先生之孫近仁繡周亡後其妻丁氏龍泓先生
女無所歸奉厲氏先代粟主依於桑桑家車橋先與其
甥倪米樓稻孫同居而北郭之童佛庵銓又故與米樓
善性好竒一日訪米樓值無人遂於厲氏家廟中檢徵
君暨月上木主懷歸月姬主爲樊榭手書樊榭主爲龍
泓手書童以告何春渚淇詭言得之西溪田舍草堆中
春渚轉告王述庵司寇昶因率同人皮置湖墅宋黃文

軼事

十三

節公祠各醵百錢致祭時爲嘉慶六年辛酉四月六日
也按先生名焜又號木龕居士易簣之前自焚所著諸
稿此三段於先生之外孫吳擷蘅受藻所收贖稿中
見之

郭頻伽先生靈芬館詩話云樊榭徵君舊居南湖自號
南湖花隱倪米樓秀才繪花隱樓圖借李西齋布衣同
作齊天樂詞以紀之戴金谿比部賦南浦一闋云鷗外
夢長閒向湖邊又展露渦風鬢亭角舊聽鶯楊枝曲消
盡粉團香陣涼波無恙畫闌幾照驚鴻影城上青山如
解意點綴玉眞眉暈天涯有客悲秋喚停杯共說老仙
花隱隱語笑芙蓉茶煙杪未歇水樓芳訊斜陽一舸後
游客容易成孤引霜葉無多明豔別似惜飄零紅粉

近見凌仲子論詞云詞以南宋爲極能繼之者朱竹垞至厲樊榭則更極其工後來居上北曲填詞以關漢卿諸人爲至猶詞家之有姜張後之填詞家如文長粲花笠翁皆非正宗玉茗詞壇飛將然能合元人者惟牡丹亭圓駕一折近人如洪昉思長生殿乃能直逼元人其氣韻迥與諸人不類其言累數百餘不能盡記且於此道無深解不敢強爲之說然總覺玉茗之才非餘子可及至謂樊榭勝竹垞鄙意大不謂然樊榭論詞絕句云偶然燕語人無語心折小長蘆釣師愚謂竹垞小令固佳卽長調紆餘宥往中有澡華豔耀之奇斯爲極至卽小令中佳者亦未必惟此語爲可心折也大抵樊榭之

軼事

五

於詞專學姜張竹垞則兼收眾體也蔣君夢華以顧升山蔬果畫冊索題上有樊榭河傳十八首後予與二娛皆以菩薩蠻詞題之曹種水亦用河傳調而止用一體樊榭則一首用一調也樊榭詞集中不存今錄以補

亡

按詞僅十五首今列集外詞中

吳榕園先生浙西六家詩鈔云歸愚蘭泉兩先生評樊榭山房詩固已確當獨賞五古而不及七律殆以七律不近唐音耳參用性靈書卷自闕蹊徑諸體皆工七律更耐尋繹如秦淮懷古悼亡姬答筠谷移居等作皆通體渾成非獨有句可摘而已其餘美不勝數遙情逸致誦之口角生香近時擅厥體者初白翁後爲一大宗

李旣訪先生鶴徵後錄云樊榭之詩能於漁洋竹垞兩家外獨闢畦徑自成一派其幽深精妙窮極雕鏤譬如入幽崖峭谷幾乎斷絕人迹當時杭堇浦全謝山輩無不推服錢籜石翁有評本亦爲心折今海內言詩者標新領異務脫恆蹊多以樊榭一家爲宗

吳子律先生蓮子居詞話云樊榭生平有煙癖類韓慕廬嘗譜天香詞傳諸好事同時汪韓門翟晴江有詩全謝山有賦足備菰材故實方靈臯之官禮部也曾請飭煙禁以裕民食今則土葉殆徧吾杭製切尤有名已

吳仲雲先生杭郡詩續輯小傳云厲志繡字之甫一字繡周號層雲錢塘諸生爲雄飛徵士從子卽爲徵士後

軼事

五

又爲丁鈍丁先生愛瑁詩笈文津皆有所受嘗與蘇展亭許堂柯大巖觀郁陞宣禮倪嘉樹一擎黃書厓模周亦菴駿發爲文字之會分題審韻無集無詩惜多散佚所居在城東倉巷破屋蕭然糲餐自給竟困於糴掖以

老按雄飛亦先生之字也見杭郡詩輯小傳

世父小米公借閒生詞云樊榭先生木主舊附武林門外黃文節公祠道光戊子正月二十一日同人移奉西溪交蘆庵先生墓故在此譜白石法曲獻仙音調並用原韻烟渺南湖草迷東墅欲妥吟魂何處先生自南湖移居東城

路逐溪迴寺依雲住騷壇舊日樽俎歎大雅淪亡久輕鷗自來去漫相顧薦寒泉萬梅花裏天女伴隨手散空

飛舞

先生姬人朱月上主亦耐祀焉

定月下徜徉記前游微笑心許

窈窕幽棲悅披尋集內妙句待荒阡澆酒莫又清明時

雨

許蘦生先生重桂堂集云奚虛白疑居湖州城南舊爲

鮑氏溪樓卽樊榭徵君納姬人月上處也虛白摹遺像

屬題次圖中詩韻百年數文獻君名畱人口彼姝適所

遭幸于如是柳樂府寶旗亭孰分袒左右俊遊艷稱前

佳話永垂後溪樓亦靈光終古關戶牖天公選替人圖

書要諸久近釣漁隱漁親酌酒奚酒奚家釀酒稱酒奚青山紅

袖閒重置斲輪手光芒交映輝何處蔽沫斗許我補題

詩漫郎成聲叟

軼事

去

戴文節習苦齋畫絮云余最愛厲樊榭搖搖四詩人漾

入梅花煙十字空澹幽杳得未曾有軟紅十丈中安得

遇此聊假豪楮爲壺公之壺

世父少洪公道盥齋稿云同人泛舟西溪酌酒厲先生

墓詩以紀之已是清明上冢天我來相過弔詩仙墓門

頻酌金樽酒山麓旋飛白紙錢蘋葉南湖生伴隱梅花

西土死償緣九原猶侍高堂側先生葬於母不數峯圍何儒人之側

七二賢憶移粟主奉僧堂終使溫柔老有鄉彌勒同龕

燈火寂維摩多病水雲涼心期共賞蒹葭趣手澤猶畱

翰墨香先生主丁龍泓隱君書月上主先生自書佳偶青溪宜作配重題何

日願兼償先生配蔣孺人之主不知所在同人以爲缺典欲補書一主以合祀尙未果

張仲甫先生彝壽軒詩鈔云章次白奉厲徵君神位於永興寺陪祀馮具區先生酌以詩余亦繼聲兩賢慧業並生天蕭寺棲神豈偶然遺老倡開招隱社徵君廣和太平年梅花詩卷俱千古流水高山共一椽二雪雙龕相映處便娟空翠稱幽眠

案此詩作於道光甲辰是又設位於永興寺也寺在西溪

徵君嘗游應焉

大令樊蘆菴事詳吳穀人祭酒

俞蔭夫學政春在堂隨筆云厲樊榭徵君墓在西谿法華山之王家鵝因奉栗主於交蘆菴事詳吳穀人祭酒樊榭徵君墓田碑記道光庚寅戴文節借徐汪兩君至菴祀徵君歸而寫爲長卷山水縈紆蘿蔦幽蔚樊榭詩所謂一曲溪流一曲煙者盡此尺幅中矣舊藏章次白

軼事

七

廣文梅竹山房亂後失去丁君松生又購得之因付交蘆菴僧收藏以存名蹟時菴亦因亂後而傾圮滿洲冠九觀察出資修葺并屬何子貞先生書徵君及月上姬人栗主仍奉菴中今又得文節此卷名流韻事後先輝映足爲西谿生色矣松生以示余故紀其略焉

諸遲鞠大令璞齋集溪樓延月補圖題記云聖湖之陰西谿之奧勝地幽刹曰交蘆庵庵有溪樓延月圖寫厲徵君納姬事雍正乙卯樊榭重客茗溪鮑氏溪樓實爲寓屋滿孃月上納於中秋碧浪同舟瑤情玉色未傳圖詠久頗闕焉逮嘉道閒涑園太守訪楸墓於前小米年丈護栗主於後移祀庵院永伴瓣香會費山人丹旭安

硯東軒曾寫兩圖一畀庵僧勝藏勿替其副贈奚處士
疑溪樓後主相證墨緣當代名流借題雅製今具清尊
集中庚辛之難庵燬於賊此圖亦亡邇者舊宇新庀歲
已十六年丈從子子用刺史棄官將歸屬補繪事更乞
偶雲同年重書題製合裝冊子仍付庵僧保守什襲斯
蓋遠繇佳話近繼先志舉一而善備矣子用復哀刻徵
君全集雖其唾餘都經手輯讀書讀畫煥然粲然吾知
海客金餅增價於樂天山門玉帶比珍於佛印又不第
蕭寺之清供抑亦藝苑之韻談歟故樂爲補圖且拈黃
鍾商琵琶仙慢一闋用白石道人吳興紀遊詞韻記之
時光緒十有一年乙酉小暑日也詞曰倒影樓臺有人

軼事

六

是打漿來時桃葉小名惟認團欒黃昏最幽絕消受到
吹簫石帚但春去怕聞鷓鴣畫裏煙波定中香火情事
誰說謾分付禪窟枯僧已風景都非那時節添了百
年佳話儘飛花飛莢憑點綴詞僊眉史補溪山絹素如
雪正好居士清涼倦遊言別
譚仲修大令復堂類記云鄉先正昔奉厲太鴻徵君泊
侍姬朱月上栗王祀於西谿交蘆菴時爲道光戊子此
菴燬復營仍爲位以奉之則同治庚午歲至光緒壬辰
高君海垞訪得堇浦杭先生墓道告諸汪君子用謀奉
祀焉杭厲齊名素交國人矜式爰乞俞丈曲園題杭先
生位與厲先生同設交蘆菴旣以蔣夫人張姜二姬附

堇浦先生乃增設樊榭先生夫人蔣氏位于朱姬之左
庶幾後學淑艾永薦馨香山水因緣文章氣誼兩先生
其妥靈乎斯堂

軼事

九

軼事 夫世代附贈樊榭夫朱夫人陳氏位于朱姬之左

